




Tebo-sešwa ya Dipholese-Kgatiso



Ka ga Dipholese

Ketapele

SABC e leba-sešwa Dipholeli-Kgatiso tsa kooporasi tsa gajaana. Bareetsi le badiri ke bobedi jwa bana-le-seabe ba bagolo ba SABC mme bukana e e rulaganyeditswe go nolofatsa tseo-karolo ya bona mo tiragatsong e. Bukana e e neelana ka selebo-kakaretso sa Dipholeli-Kgatiso tsa gajaana, ka sebopego sa Dipotso-le-Dikarabo, gammogo le go supa dingwe tsa dintlha tse di tlaa buisanelwang mo tiragatsong e ya tebo-sešwa. Maikaelelo a dintlha tse tsa puisanelo ga se go kganela ngangisano mme go amogelwa diabe mo dikarolong tsotlhe tsa dipholeli.

Dipholeli-Kgatiso ka botlalo di ka bonwa mo webosaeteng ya SABC, [sabc.co.za](#), kgotsa kwa kantorong nngwe le nngwe ya SABC.

Matseno

Q: Ke goreng SABC e na le Dipholesi-Kgatiso?

Go ya ka karolwana 6(5) ya Molawana wa Kgaso (jaaka e fetotswe), SABC e tlhoka go tlhama dipholesi tse maikaelelo a tsona e leng go netefatsa tsamaelano le Molawana wa Boitsholo (Code of Conduct) wa ICASA, dipeelo tsa laesense ya Kooporasi, le Ditlhokwa tsa Molawana (Act). Go tlhokega gore Dipholesi tse di akaretse pholesi-kgatiso ya dikgang, le dipholesi ka ga mananeo, diteng tsa selegae, thuto, tirelo ya kakaretso le phitlhelelo, puo, le sedumedi.

Q: Maitlhommo a Dipholesi-Kgatiso ke eng?

Maitlhommo a dipholesi ke go thusa badiri ba kgatiso go buisanela merero e e thata ya tsa kgatiso le ditshwetso gore go tle go kgonwe go dira mananeo a a itlhaolang e bile a gapeletsa/tlana – mme fa gongwe go sa dumelanwe – mme go ntse go tshegeditswe seemo se se kwa godimodimo sa maitsholo le kgatiso.

Totatota dipholesi di dira letlhommo le mo go lona badiri ba SABC ba tsayang ditshwetso ka ga diteng tse di leng mo dipholesi-tsamaisong tsa rona tsa rona.

Q: A dipholesi di dira fela mo ditirelong tsa radio le thelebišene?

Nyaa, dipholesi di amana le diteng tsotlhe tsa SABC, le ditirelo tsa badirisi ba bosetšhaba le ba boditšhabatšhaba. Di dira mo ditirelong tsotlhe, go sa tshwenye gore a ke mo rading kgotsa mo thelebišeneng, khomphiutheng, ka ditirelo tsa melaetsa-khutshwe (SMS) kgotsa mogala wa mōbaele, o o ntshiwang ke lefapha la SABC kgotsa khamphani e e ikemetseng.

Q: Dipholesi-Kgatiso di dira ka ga eng, goreng?

Molawana-Kgaso (Broadcast Act) wa 1999 (jaaka o fetotswe) o batla gore SABC e tlhame tse di latelang:

- i. Pholesi-kgatiso ya dikgang
- ii. Pholesi ya mananeo (programming policy)
- iii. Pholesi ya Diteng tsa selegae

- iv. Pholesi ya tsa Thuto
- v. Tirelo ya kakaretso le phitlhelelo
- vi. Pholesi ya puo le
- vii. Pholesi ya tsa sedumedi

SABC e ikgethetse go akaretisa tsotlhe tse di fa godimo tse mo Dipholesi-Kgatisong tsa gajaana. Mo godimo ga moo, go na gape le karolo e e tlhalosang Taelo (Mandate) ya Kooporasi, e e tsenyeletsang Metheo ya Botlhokwa ya tsa Kgatiso (Core Editorial Values) ya SABC, Melawana ya Kgatiso (Editorial Code) le Phetisetso-godimo ya Kgatiso.

Go tlatsa foo, Dipholesi-Kgatiso di laetse dikgaolo go tlhama dipholese tse di dirang ka merero e e riling, jaaka e tlaabo e tlhagelela, mo lebakeng le, Merero ya tsa gajaana le Dikgang e tlhamile dipholese tse di lateng tsa tlaleletso tse di amogetsweng le go letlwa ke Boto ya SABC:

- Dikaelo tsa tiriso ya babegedi le basekaseki
- Pholese ka ga kgatiso ya diphitlho tsa tlotlo (state) Pholese ka ga kgatiso e e lekalekanang mo nakong ya ditlhopho tsa bosetšhaba.

Q: Goreng SABC e leba-sešwa Dipholesi -Kgatiso?

Dipholese-Kgatiso tsa re dipholese di tshwanetse go tlhabololwa gangwe le gape. Gape, fa di sala di nna teng go tloga ka ngwaga wa 2004, tikologo ya kgaso e setse e nnile le diphetogo tse dikgolo tse di nang le seabe mo mokgweng o ditshwetso ka ga diteng di tsewang ka ona – seno se na le ditlamorago mo dipholese-kgatisong ka jalo go leba-sešwa go tshwanetse ga netefatsa gore Dipholesi-Kgatiso di bontsha ditokafatso tse, di ntse di santse di neelana ka maemo a a kgontshang badiri go diragatsa Taelo ya Kgaso ya botlhe.

Q: Tebo-sešwa e, e tsamaisiwa jang?

Dipholese tsa pele e ne e le dipholô tsa therisano ya dikgwedikgwedi; tebo-sešwa e le yona e tlaa tsamaya fela jalo- ka tirisano e e tseneletseng ya badiri ba SABC le baagi. Go tlaa tshwarwa ditheetso-phetlatlatsa mo go e nngwe le e nngwe ya diporofense mme bareetsi ba rona le bona ba tlaa bona tšhono ya go tsaya-karolo ka mananeo mo radiong, thelebišeneng le go dirisa tsela ya tirisano, jaaka 'facebook' le webosaete ya SABC. Maitemogelo a SABC ka dipholese-kgatiso tsa gajaana le ona a tlaa kaela

tebo-sešwa e, fela jalo le kitso go tswa dikgasong tse dingwe, tse bontsi ba tsona bo nang le Dipholesi-Kgatiso kgotsa Dikaelo.

Tebo-sešwa: Tsenyo-tirisong ya merero

Mengwe ya kakaretso:

Mo tsamaong ya ditherisano tsa ntlha tsa tebo-sešwa e, go nnile le ditlhobaelo mabapi le Tsenyo-tirisong e e tseweletseng ya Dipholesi-Kgatiso mo gare ga SABC. Mo lemoragong le, a go botlhokwa go tsenyeletsa dipolelwana tse di totobetseng mo gare ga dipholesi-kgatiso go netefatsa gore di salwa-morago le go tsenngwa-tirisong sentle go ralala maiteko otlhe a?

Tlanelo ka matlole go kgwebo /Kganetso go Tirelokgaso ya phatlalatsa:

Jaaka tirelokgaso ya botlhe e batlile e tshwana e le yosi, SABC e bona bontsi ba lotseno lwa yona go tswa mo karolong ya kgwebo – e leng tota ditiro tsa tlwaelo tsa papatso. Seno se kaya gore SABC e na le dikgwetho di le dintsi tse di lebanang le bokgoni ba yona ba go ka diragatsa taolo ya tirelokgaso ya phatlalatsa, mme bontsi ba dikgwetho tse di ama ka tlhamalalo tiragatso ya kgatiso ya go tsaya ditshwetso. Dipholesi-Kgatiso ga di bue sepe mabapi le tsamaiso ya dikganetso tse di ka runyang ka ntlha ya go direla taolo ya botlhe le kgwebo.

- a go na le ditsela tse ka tsona dipholesi di ka dirang se?

Ditlhabololo tsa thekenoloji:

Ditlhabololo tsa thekenoloji tse di botlhokwa tse di lebaneng bereetsi, go ya ka dipholesi-kgatiso, ke:

- Go tsoga (le kgolo e e tsweleng) ya tlhazeletsano ya boagi.
- Phetogo e e ka nnang teng go tswa mafaratlhatlheng a kgaso a analoko go ya go a dijitala. Diboloko (Blogs), dimaekeroboloko (microblogs), baagi ba ba kgotsofetseng le mafaratlhatlha a loago (social networks) ke tsona tlhazeletsano ya baagi e e tlhobaetsang bogolosegolo, ya Dipholesi-Kgatiso mme teng moo, go na le mafelo a le mane a a tlhokang go elwa-tlhoko thata malebana le Kgatiso.

Tebo-sešwa:

- Tiriso ya mafelo a mafaratlhatlha a loago jaaka metswedi ya tshedimisetso, bogolosegolo mo mofameng wa dikgang. Eno ke ntlha e e ka sekasekwang ka bophara mo Dikgannye & Merero ya gajaana Kgao lo ya Diphole si-Kgaso

- Tiriso ya mafaratlhatlha a tlhaeletsano a loago ke badiri ba SABC ka bobōna. Go tshwanela gore go bonwe pharologano magareng a ditokololo tseo tsa badiri tse setšhaba se ka sekeng sa ba amologanya le SABC le ba go sa nngang jalo.

- Tiriso ya pholesitsamaiso ya SABC go tsweletsa mafelo a tlhaeletsano ya loago ya tsereganyo (third party). le yona e tlhoka go lejwa-sešwa.

- Tsamaiso ya diteng tse di ntshiwang ke modirisi, tse di jaaka ditshwaelo ka go madi ka go ditsebe tsa webo.

Fa maatla a Thelebišene ya Dijitale ya Lefatshe (Digital Terrestrial Television) (DTT) a setse a ikutlwatsa, a tlaa ama ka bokete diteng tsa thelebišene mo isagong. Katoloso e e letlang koketso ya kgaso ya dikanale, go tlaa tshwanela gore go sekasekwe gore a go suta go go yang ka selekano go, go tlaa ama Diphole si-Kgatiso. Go thankgololwa go go solofetsweng ga DTT le gona go tsamaisa ditebo-sešwa tsa phole si le tse di laolang, tse di tshwanetseng go akanyetswa fa go samaganwa le diphole si.

Diphole si tsa gajaana: Taolo (Mandate)

Q: Di tlhokwa tsa botlhokwa tsa kgatiso tsa SABC ke dife?

Tekatekano – SABC e neelana ka mananeo go mongwe le mongwe, dipuo tsothe tsa semmuso, mme e godisa phitlhelelo ya botlhe go ditirelo tsa yona.

Kago-Setšhaba – SABC e keteka boitshupo jwa bosetšhaba le ngwaa, mme e neela baagi ba yona tshedimisetso e ba e tlhokang go tsaya-karolo mo go ageng temokerasi ya rona.

Dipharologano – SABC e bontsha dipuo tsa Aforikaborwa tse di farologaneng, dingwaa, diparofense, mo mananeong a yona.

Seriti sa Setho – SABC e tlotla seriti se maAforikaborwa othe a tsetsweng ka sona, e ba

senola ka dipharologano tsa bona tsotlhe, e bile ga e dirise puo kgotsa ditshwantsho tse di kayang dikakanyo tse di sotlang merafe, dingwao le bong (sexes) jwa ga Aforikaborwa ka go ba baya mebala ya go sa itshokelane.

Boikarabelo – Botsamaisi le badiri ba SABC, fa bo rebola maitkarabelo a bona a kgatiso, bo ikarabela go Boto ya SABC, e maitkarabelo a yona e leng go netefatsa gore kooperasi e tsamaisana le Tumelana.

Go se fitlhe sepe (Transparency) – SABC e netefatsa gore metheo ya boikanyego, go phuthologa le go se fitlhe sepe go laola ntsha e nngwe le e nngwe ya dikamano tsa yona le Motsholadišere, beng, batlamedi le setšhaba.

Q: Goreng re tlhoka maitsholo a a botlhokwa a kgatiso?

Maitsholo, a a ikaegileng ka a a tlhalositsweng mo Molaotheong — go akaretsa Tlhabololo ya setšhaba, tshwaragano, pharologano, go sa nneng le bosomerafe, go sa tllaoleng ka bong, temokerasi le seriti sa setho — di emela dilo tse MaAforikaborwa ba di tsayang ka bongwe ba pelo e le tsa botlhokwa. Di tswala mokhino wa sepolotiki, maemo, dikarogano tsa bomorafe le bong, mme le fa re santse re le kwa tshimologong ya porojeke ya rona ya tlhabololo ya setšhaba, tseo ke sona se se re tseparisang jaaka setšhaba. Di tshwanetse tsa aga motheo, wa dipholesi-kgatiso tsa mogasi wa setšhaba.

Tebo-sešwa: Maitsholo a tsa Kgatiso

- A maitsholo a a nna a ntse a le maleba le kgaso ya setšhaba mo maemong a tlhabololo?
- A go na le maitsholo mangwe a a tlogetsweng, a go tlhokega gore mangwe a maitsholo a gajaana a tloswiwe kgotsa diteng tsa ona di fetolwe?
- Go tlaelelsa mabaka a a neetsweng fa godimo, go tlhokega gape gore metheo e tlhagisiwe mme e diragadiwe.

Q: Melawana ya Kgatiso ke efe?

Melawana ya Kgatiso e ne ya tlangwa ke Boto ya SABC ka 1993 mme ya tokafatswa go nna karolo ya Dipholesi-Kgatiso ka 2003. Melawana e e

runtse go tswa mo Maitsholong a Bothokwa, mme ya tokafatswa ka 2003, e ne e akanyetsa kgolo e e neng ya latela mo molaong. Melawana ya Kgatiso e na le dipolelwana di le lesometlhano mo diphetophetolong tsa yona tsa gajaana, di le robedi tsa tsona di itebagantse fela le Dikgang le Mabaka a gajaana, Di le thataro di lebagane le mefuta mme tse pedi di lebane le go dira mananeo. Merero e go samaganweng le yona mo melawaneng, go samaganwe gape le yona mo karolong e e maleba ya Dipholesi-Kgatiso.

Q: Phetisetso-Godimo (Upward Referral)e kaya eng?

Phetisetso-godimo e kaya tiragalo e ka yona badiri ba kgatiso ba ithaopang go batla maele go tswa mo batlhokomeding ba bona, ka ga ditshwetso dingwe le dingwe tsa kgatiso, tse ba senang bonnete ba tsona. Fa go ka runya bothata bongwe mo tlhagisong ya mananeo le/kgotsa taolo ya kgatiso, kgotsa motlhagisa-lenaneo kgotsa mokaela-kgatiso (commissioning editor) a sa tlhomanise sengwe fela, o tshwanetse a kopa motlhokomedi gore a mo kaele. Tiragalo e ya phetisetso-godimo ka bowena e atologela le kwa go Motlhankedi-Khuduthamaga wa Setlhophu (Group Chief Executive Officer), jaaka e le ene Mokaedimogolo-wa-kgatiso (editor-in-chief). SABC e bona phetisetso-godimo e le maatlafatso mmogo, thuthuso le tsela ya kgodiso ya badiri botlhe ba ba amegang. Maikaelelo a yona ga se go fetisetse kwa godimo go tsaya ditshwetso ka ga kgatiso, mme e ikaeletswe go tiisa, fa go tlhokega, go tsaya ditshwetso mmogo le go abelana maikarabelo a kgatiso – bogolosegolo fa go lebanwe le ditshwetso tse di bokete – le go sedifatsa go ikanyana ga kooperasi le badiri ba yona ba kgatiso. Gape Phetisetso-godimo ga e a ikaelelwa go iletsa tlhagiso le kgaso ya mananeo a a ka ngangelwang e bile a ka se ke a ganwa; mme e ikaeletswe go dira le go laela mananeo a a jalo e ntse e tshageditse seemo se se godimo sa maitsholo le kgatiso.

Q: A go na le dintlha dingwe tse di tshwanetseng tsa fetisetsewa-godimo?

Go na le dintlha dingwe tse e reng fa badiri ba kgatiso ba samagane natso, di bo di tshwanetse go fetisetsewa-godimo. Mabaka a a ka akaretse dipotsolotso le disenyi kgotsa batho ba ba batlwang ke mapodisi, le go bontsha kgotsa go tlhagisa batho ka maikaelelo a go itumedisa, ka tiriso ya dikhamera tse di fitlhlweng. Go na le lenaane la palogotlhe ya dikao di le

lesomenne, mo tokomaneng ya Dipholese-Kgatiso, tse di tlamegang gore di fetisetswe-godimo.

Tebo-sešwa: Melawana-Kgatiso & Phetisetso-Godimo

- A go tlhokega gore go laolwe gore a phetisetso-godimo e tlamege mme, fa go le jalo, a lenaane jaaka le dirilwe ke Dipholese-Kgatiso le maleba kgotsa a dintlha di tlhoka go tsenyeletswa kgotsa go ntshiwa mo lenaaneng leo?

- A go maleba gore Motlhankedi-khuduthamaga wa Setlhophu a nne Mokaedimogolo-wa-Kgatiso, fa go se jalo ke mang yo o rwalang maikarabelo a Diteng tsa Kgatiso le gona seo se dirwa jang?

Dipholese tsa gajaana: Go dira mananeo

Q: Diteng tsa mananeo a SABC di laolwa ke dipholese le ditlhokego dife?

- Tumelano/ Konteraka
- Maitsholo a Kgatiso a a Botlhokwa a SABC
- Melawana-Tiriso ya Kgatiso ya ga SABC
- Tlamego ya SABC ya go obamela seemo sa intaseteri. Melawana ya Maitsholo ya Bagasi. e e tsamaisiwang ke BCCSA
- Tamego ya SABC go obamela dipeelo le melawana ya lekwalotetla la ICASA

Q: A go na le metheo mongwe e e kaelang go dirwa ga mananeo a SABC?

Tsela ya SABC ya go dira mananeo e kaelwa ke metheo e e latelang:

- Mananeo a tiisiwa ke maitsholo a a botlhokwa a kgatiso a SABC. Tsona di rotloetsa botlhagisi. taolo le go iponela mananeo otlhe a yona
- SABC e iteka go rebola tshedimosetso e e anameng, thuto le boithabiso ka methale ya mefuta le ditlulaganyo. tse mo go tsona mongwe le mongwe a ka iponelang sengwe se se kgatlhang, ka nako nngwe
- Jaaka mogasi yo o anameng wa boetlhaba, ke tiro ya SABC go

rotloetsa kgolo ya ithagiso ya Aforikaborwa. Ka jalo e bontsha talente ya Aforikaborwa, e tshegetsisa ngwao ya Aforikaborwa, mme e ikaelela go tlhama mananeo a a itshupang e le a Aforikaborwa.

- Maikaelelo a SABC ke go baya bokao jwa matshelo a maAforikaborwa gore ba ipone e le baagi ba lefatshe lotlhe, le go ba tlisetse mananeo a a siameng go gaisa a lefatshe le ka a reholang.

- Ka hisetori ya rona, le gore Aforikaborwa ke karolo ya Aforika, SABC e bona e le maikarabelo a yona go tsaya matsapa go emela Aforika le dikgang tsa yona ka tolamo le go ya ka go farologana ga tsona.

- Go bua ka tokologo ke mooko wa mananeo a SABC.

Q: Goreng re tshwanetse ra tsibosa babogedi go lekane ka ga diteng mo mananeong?

Thulaganyo e e etsweng-tlhoko le tsiboso e e maleba kgotsa kgakololo, e letla batho go ithophela ka go tlhologanya, se ba ratang go se bona le go se utlwa. Go dira jalo ga go fokotse maikarabelo a kgatiso mo go SABC ka gope fela, mme tota go tiisa ngwao le tlotlo mo go bueng ka tokologo, le tshwanelo ya go amogela le go fetisa tshedimosetso.

Q: Ke matshwao afe a a farologaneng a re a dirisang jaaka ditsiboso?

Melawana ya Maitsholo ya Bagasi e batla gore rona re neele bareetsi maele a a tlhologanyegang gore ba kgone go ithophela ka kitso. Ka ga se ba batlang go se bona kgotsa go se utlwa; kgotsa go letla bana ba bona go se bona kgotsa go se utlwa. Tsona di akaretsa ditshupo tsa dingwaga (13, 16, 18), le matshwao a diteng – tiriso-dikgoka (V); maitsholo a a lolameng a tsa thobalano (S); lepona (N); puo e e seng ntle, go akaretsa ditlhapa (L); le go tlhoka itshokelano (P).

Q: Goreng mananeo a dithitokgang tsa bagolo a gasiwa mo gare ga bosigo?

Paka ya 'watershed' (21:00 – 05:00) ke nako e morago ga yona, ka iketlo go bontshiwang merero ya bagolo mo thelebišeneng. Pele ga paka e, ga go bontshiwe tse di sa siamelang bana. 'Watershed' e laolwa ke Melawana ya Maitsholo ya Bagasi mme ditlolomolao di sekasekwa ke BCCSA.

Q: A go na le paka ya 'watershed' ya radio?

Le fa Melawana ya Maitsholo ya Bagasi e sa totobatse paka ya 'watershed' ya radio, SABC e obamela moono wa go re diteišene ga di gase dikgang tse di sa siamelang bana ka dinako dingwe, fa ba dira karolo e kgolo ya bareetsi. Jaaka sekao, diteišene di tshwanetse go itse gore go a kgonega gore ba bo ba reeditse radio fa ba le mo loetong go ya le go boa kwa sekolong.

Q: Ke dira eng fa lenaneo le na le ditlhapa?

Melawana ya re puo e e sa siamang, go akaretsa ditlhapa le dintlha tse dingwe tse di leng masisi mo bodumeding, ga e a tshwanela go dirisiwa mo mananeong a a rulaganyeditšweng bana fela. Go feta foo, le gore ga go a tshwanela go dirisa puo e e maswe go fetelela, pele ga paka ya 'watershed' mo thelebišeneng, kgotsa mo dinakong tse bana ba ka solofelwang go nna mo bareetsing ka palo e e kwa godimo. Pholesi ya SABC ya go dira mananeo e a dumela gore le fa ditlhapa di fetogile go nna karolo ya puo ya letsatsi le letsatsi, mme ka go rialo e dirisiwa kgabetsa mo thelebišeneng, e kgopisa babogedi ba le bantsi. SABC ka go rialo e a iteka go tsaya matsapa go dirisa letshwao la tsiboso la "L" fa ditlhapa di amega, go fokotsa tshwenyego go bareetsi ba ba ka kgopisegang. Dikaelo tse di latelang la BCCSA le tsona di dirisiwe: • Fa e le mo terameng kgotsa pontsho ya nnete (documentary) fa fela go se na maemo a a gakatsang, go dirisa leina la morena lefela go ka dirisiwa mo pakeng ya morago ga 'watershed' go tlhagelela difilmi ka batshameki kgotsa batho ba takilwe mo dikgasong, tsiboso kgatlhanong le puo, e ka ekanyetso e e maleba. • Mo nakong ya balelapa mafoko a tshwanetse go tlošwa fa go kgonagala go dira jalo. Poapoeletso e e kwa godimo ga e letlwe. • Fa bagasi ba dirisang puo e e ntseng jalo ka tsela e e kgopisang bareetsi – tota le morago ga 'watershed' – go tshwana fela le go tlola Molawana.

Q: Pholesi ya reng ka ga seabe sa rona mo tirisong ya puo mo mananeong?

Mogasi wa setšhaba ke motswedi o o botlhokwa wa tshedimosetso le ngwao, mme a ka rotloetsa maemo le maitsholo ka tiriso ya yona ya puo. SABC, ka jalo, e tshwanetse go tshegetsa boleng jwa boikanyego mabapi le tiriso ya puo. Dikaelo ke tse di latelang: • Go se dirise puo fela e le e e tshosang • Go se dirise ditlhapa go sa tlhokege • Go se ileitse tiriso ya puo e e maswe mo mananeong, mme go e letla, fela fa e ka sireletsega go ya ka bokao le bonnete • Gore tiriso ya puo e akanyetse bomasisi ba sedumedi.

Q: Pholesi ya SABC ke eng ka ga tlhaolele mabapi le bogole/ go sa itekanelang mo mmeleng?

SABC e amogela gore batho ba ba nang le bogole kagale ba ikutlwa e kete ba tlhokomologilwe, le gore ke tiro ya mogasi wa setšhaba go tsholetsa phitlhelelo ya karolo e ya bareetsi, go ditirelo le mananeo a yona le go netefatsa gore tlhagiso ya batho ba ba nang le bogole e siame/ lekanetse. Ka go rialo SABC e tshola batho ba ba nang le bogole ka tlotlo, fa e dira mananeo, mme re itlana go bontsha merero ya bogole ka tsela e e sa bakeng setshwantsho sa maemo a a sa amogelegeng a ba ba sa itekanelang mo mmeleng. Cape ke maitlamo a rona go batlisisa ditsela tse di ka tokafatsang thebolelo ya rona go batho ba ba nang le bogole. Fa go kgonegang, re kgaratlhela go tsenya batho ba ba nang le bogole mo diporogorameng tse di jalo.

Q: SABC e dira eng mabapi le kgalemo kgatlhanong le tirisodikgoka mo basading?

Dipholeli-Kgatiso tsa SABC di totobatsa gore diteng tsa diporogoroma tsa tsona, fa di lekanyetswa go ya ka bokao, ga di rotloetse tirisodikgoka mo basading, di bontsha basadi e le batswasetlhabelo ba ba sa itweleng ba tirisodikgoka, mme tshotlakako le yona e ba diga seriti le go tlovisa-matlho seabe le maemo a bona mo setšhabeng, e rotloetsa kgethololo ka bong le Go tlhoka tekatekano, e tiisa kgatelelo ya/ka bong.

Q: Ke nako efe e go letlelegang go ka gasa ditiragalo tsa tirisodikgoka mo thelebišneng?

Molawana wa Maitsholo o ala sentle ditlhokego tse di gagametseng thata tsa nako e tirisodikgoka e ka gasiwa ka yona le e e ka se keng ya gasiwa ka yona. Go tlaletsa se, pholesi ya go dira mananeo e bolela gore ditiragalo tse di nang le ditshwantsho tsa tirisodikgoka di ka bontshiwa fela fa di tlhokega, go bontsha tshedimosetso kgotsa bokao ka semoalo.

Ka jalo SABC e na le tiro ya go se kgabise tirisodikgoka ya mofuta ofe kapa ofe, kgotsa go e godisa, le go e tlhagisa fela fa e ka thusa go tlhalosa kgannyana, go tsosa bopelotlhomogi, rotloetsa maikutlo a go thusa, kgotsa fela go nna sekao se se maleba sa ditiragalo tsa nnete. Fa e dirisiwa, go botlhokwa gore go nne le tsiboso go bareetsi/babogedi. Maikaelelo a SABC ga se go bona gore tirisodikgoka e ka itshokelwa go le kana kang, mme ke go bona gore e tlhokega go le gonnye jang go dira diphitlhelelo tse di ikanyegang, ntle le go koafatsa (compromise) terama kgotsa yona kgatiso.

Q: A Pholesi-Kgatiso e sireletsa ditshwanelo tsa seriti le sephiri?

Melawana e batla gore media wa se-eleketeroniki o nne kelotlhoko le go akanyetsa mo go feteletseng mo dintlheng tse di amang tsa matshelo a batho le ditshwenyego/ditlhobaelo tsa sephiri, go sa lebalwe gore ditshwanelo tsa sephiri di ka nna tsa gatakwa go lebilwe dikgatllhegelo tsa batho, ka semolao. SABC e solofela gore ditshwetso tsa mothale o di tsewe go akanyetswa thata maitsholo a Kooperasi.

Q: Ke mang yo o swetsang gore bana ba bogele kgotsa ba utlwe eng?

Bagasi ga ba gase dilo tse di sa siamelang bana ka dinako tse bontsi jwa bona bo ka solofelwang go bo ba bogetse. Le fa go le jalo go mo magetleng a batsadi go swetsa gore bana ba bona ba ka bogela kgotsa nnyaa, fa fela rona re diragatsa tshwanelo ya rona ya go bontsha ditsiboso tse di maleba tse di ba letlang go tsaya tshwetso.

Q: Ke utlwile go twe go tlhotlha filimi ga go mo molaong. A seo ke nnete, gona SABC e samagana jang le sona?

Go tlhotlha (Censorship) jaaka go ne go ntse go le teng bogologolo, go go akanyetsang maikutlo a ba le mmalwa fela ga go tlhole go letlwa ke Molaotheo o mošwa wa Aforikaborwa o mo go ona maparego a go bua ka tokologo a ngotlegileng. Re ikgethela go neelana ka ditsiboso mo moweng go letla bareetsi/babogedi go dira dikgetho tse di ntseng jalo. Seo se sala e ntse e le tshwanelo ya motho yo mongwe le yo mongwe go bogela le go laola se bana ba ka se bogelang.

Q: Re samagana jang le dingongorego tsa batho ka ga kgaso ya rona?

Dingongorego tsa ditokololo tsa setšhaba tse di amogelwang mo SABC mme di amana le dintlha tsa pholesi, kgotsa go obamela molawana (Code), di amogelwa ke kantoro ya Motsamaisi: Kobamelo ya Kgaso. Fa dingongorego tse di jalo di amogelwa ke dikanale kgotsa diteišene, kgotsa mo lefapheng lengwe le lengwe fela, di tshwanetse go fetisetwa kwa kantorong eo ka bofefo. Pholesi ya SABC e samagana le dingongorego tse di jalo. Karabo/ tsibogo e rulaganngwa ka tirisano le, kgotsa o lebiswa ka gangwe fela go, botsamaisi jwa kanale/seteišene se se maleba, kgotsa tlhogo ya Dikgang tsa SABC e e maleba. Go batlega gore ditirelo di rwale dingongorego tse di mabapi le tsona.

Q: A SABC e laola se se ka bapatswang mo ditirelong tsa yona?

Ee, go fitlha fa go reng yona SABC e obamela melao e e beilweng ke Bolaodi ba Maemo-Papatso ba Aforikaborwa (Advertising Standards Authority of South Africa). Lephata la Dipapatso le Thekiso (The Sales and Marketing Division) le lona le na le ditshwanelo tsa go amogela kgotsa go gana dipapatso tse di tsewang di se ka fa dikgatlhegelong tsa setšhaba kgotsa di ganetsana le Dipholesi-Kgatiso tsa SABC.

Q: Dikaelo ke eng ka ga go gopolela batho?

Re simolola go akaretsa ditshwantsho tse di sa gopoleleng ba ba nang le

bogole, basadi, bantsho ba baratani ba bong jo bo tshwanang, kgotsa maAforikaborwa mangwe le mangwe a a kileng ba kgethololwa ke media wa mosele-mogolo (mainstream media), kgotsa ba tlhagisiwa maemo a kgopolelo, mo go direng mananeo. Pholesi ya SABC ke e e latelang: 1. Go tlotla karolo e nngwe le e nngwe ya setšhaba 2. Go se supe batho ka lotso lwa bona, le go umaka mmala fela fa go le maleba le setlhogo se se buiwang 3. Go tla go bua ka ga bogole go sa tlhokege, gonne kagale bo bonwa e kete ke thumolano kgotsa go kaya bokoa, le go se dirise puo

e e ka oketsang maikutlo/dikakanyo tse di jalo: sk. "susu" kgotsa go ka diriswa "bothata ba kutlo", le "motho yo o nang le bogole" boemong jwa "- yo o sa itekanelang" kgotsa "segole" kgotsa "- yo o makete" 4. Go se dirise puo ya kgethololo ka bong, gore o tile go kgopisa, kgotsa go baka maemo - ka go boaboetsa - gore ditiragalo dingwe di amana fela le bong bo le bongwe.

Tebosēšwa: Go dira mananeo

- A tse di fa godimo tse, di santse di le maleba, a go na le mabaka a mo go ona go ka dirisiwang tsela e e iletsang kgotsa e e sa itshokelweng thata (kgotsa go le gonnyez)?

- Mo mabakeng a le mmalwa - a a jaaka pholesi e tsaya gore tirisodikgoka le thobalano & lepona di ntshitswe mo Dingongoregong tsa Kgaso.

Khompiene ya melawana ya SA. A tse di tshwanetse go akaretswa mo pholesing mme, mo mabakeng a go ntseng jalo, ke dife tse di tlaa tsewang fa go ka dirwa phetogo mo melawaneng e dipolelwana di tswang mo go yona?

- Karolo e e maleba jang le tsa khomphiutha kgotsa ditirelo tse dingwe tse e seng tsa kagale?

- Mo karolong e, gammogo le Dikgang & Merero ya gajaana, go na le maikaelelo a go fitlhelela boemedi jwa bong (gender representivity) - legale, ga go ape a maikaelelo a a tlhalosang kgopolo kgotsa a a kaelang gore e ka fitlhelelwa jang.

- Go le gontsi mo karolong ya go dira mananeo ke ka ga dikiletso - a go tshwanetse ga tsepamiwa thata mo go se se ka dirwang le ka mo se ka dirwang ka teng?

Dipholesi tsa gajaana: Dikgang

Q: A GCEO e na le taolo mo Dikgannye le go diera mananeo?

Seabe sa Motlhankedi-mogolo wa Kgatiso ke nngwe ya maikarabelo a mantsi a GCEO a a rwalang, mme ga a a tshwanela go tlhakatlhakanngwa le ditiro tsa Tlhogo ya Radio, Thelebišene, Dikgang, Metshameko le Thuto kgotsa tsa bagatisi ba bangwe le Batsamaiisi ba Dikanale le diteišene, ba ba thapilweng ke SABC. Seabe sa ga GCEO ga se go dira mananeo a letsatsi le letsatsi kgotsa ditshwetso tsa phaposi ya dikgang. Legale, boto ya SABC e aba maikarabelo, mme GCEO o arabela tiragatso ya dikgang tsotlhe le mananeo a mangwe, kgaso jaaka e tlhagisiwa mo rading yotlhe ya SABC, thelebišene, inthanete le ditirelo tse dingwe.

Tebo-sešwa: Dikgang

- A tse di fa godimo tse (& dipolelwana tse dingwe) mo dipholesing. di santse di le maleba. gona diphetogo di ka dirwa fa kae?
- SABC e tshwailwe diphoso tsa go begela ka go gobeletsa: a go na le dikarolo tse di rileng tsa dipholesi tse di ka dirisiwang go siamisa seno?
- Mo bokaong jwa go tshwaya-phoso tsela e SABC a begelang ka yona. ka ga yona. go tiisitswe ke ngangisano. Dipholesi-Kgatiso di bopiwa jang gore badiri ba kgone go maatlafadiwa go kgona go begela ka ga yona ka botlalo le ka tolamo?

Dipholesi tsa gajaana: Puo

Q: Maitlamo a SABC ke afe mabapi le go gasa ka dipuo tsotlhe tsa semmuso?

Maikano a magolo ke go: • Neelana ka motseletsele wa mananeo a a itlhaotseng, a boithlamededile le boleng-godimo mo dipuong tsotlhe tse di 11

tša semmuso go ralala tlhopho yotlhe ya radio le thelebišene tša rona, le go kgaratlhela go tlhagisa ditlhokego tša baagi ba puo e nngwe le e nngwe mo mananeong a rona • Tshegetsa ditirelo tse di itlhaotseng le ditirelo tša radio tse di aroganeng mo e nngwe le e nngwe ya dipuo di le 11 tša semmuso • Tshola dipuo tsotlhe tša semmuso ka tekatekano mo ditirelong tša thelebišene • Tsenyeletsa Puo-Matshwao ya Aforikaborwa mo kgasong e le tsela ya go dira gore mananeo a fithelelwe ke batho ba ba nang le bothata jwa kutlo • Kgaratlhela go akaretsa dipuo tse e seng tša semmuso tse di buiwang mo Aforikaborwa, go kōbilwe ka totobalo dipuo tša Khoi, Nama le San.

Q: Kemo ya rona ke eng mabapi le dipuo tse e seng tša semmuso le puo-matshwao?

SABC e itlama go tlamela ka mananeo a radio a boleng-godimo ka dipuo tse e seng tša semmuso tša Aforikaborwa, go kōbilwe dipuo tša Khoi, Nama le San .

SABC e tswelala go atolosa selekanyo sa mananeo se se kannweng, go simolola ka dikgang le merero ya gajaana e e kgethilweng, le ditiragalo tse di leng botlhokwa mo setšhabeng. Go tsewa matsapa a a kgethegileng go tlamela ka tšhomololo ya Puo-Matshwao fa mananeo a gatisiwa fa pele ga bareetsi/babogedi ba ba leng teng foo.

Q: "Tekatekanyo" ya dipuo e kaya eng?

Lereo tekatekanyo le kaya tolamo, go lekanela — go sa ree tsholō e e lekanang. Mo lebakeng le, SABC e ikaelela go gasa puo e nngwe le e nngwe ya semmuso mo thelebišeneng, e ntse e netefatsa gore babogedi ka bontsi ba fithelela mananeo. Re ikaelela go pataganya tirelo ya thelebišene ya semmuso ka go tlisa ditirelo tša dikgaolo jaaka Molawana wa Kgaso o batla, (jaaka o fetotswe) go sa letilwe go newa laesense ya ditirelo tse ke ICASA le gore Palamente e beele madi a lebaka le, fa thoko. Go lekalekanya go fithelelwa ka motswako wa metswedi, go akaretsa ditlhagiso tša puo-nngwe le mananeo a dipuo-ntsi. Re kgaratlhela go batla tiriso ya dithekenoloji di tshwana le go kwala ditlhogo go netefatsa gore mananeo a a fithelelega go babogedi ba le bantsi jaaka go ka kgonega. Ka dinako dingwe maitlomo a a fithelelwa botoka ka go gasa ka dipuo tse di tshwanang kgotsa tse di

tlhaloganngwang ka bophara. Fa seno se dirisiwa, SABC e dikolosa tiriso ya dipuo mo setlhopheng sengwe le sengwe se se amanang gore go fitlhelwe tekatekanyo.

Q: Re dira jang kgaso ya dipuo-ntsi?

SABC e na le kitso ya karolo e e ka tsewang ke mananeo a dipuo-ntsi mo go godiseng kitso le go tlhloganya go farologana ga dipuo le dingwao, mo nageng. Mananeo a a ntseng jalo, fa a dirisiwa ka boithamedu, le ona a goroga kwa bareetsing ka go anama ga bona. Ka bomaleba, SABC e rotloetsa tlhagiso ya mananeo a dipuo-ntsi a a nang le bokao, e le tsela ya go fitlhelela maitlhommo a yona a kgaso ka dipuo. Mananeo a dipuo-ntsi ke a akaretsang dilekanyo tse dikgolo tsa dipuo tsa semmuso di feta bongwe.

Q: Ke dipuo dife tsa Aforikaborwa tse di amogelwang mo dipholesing e le tse di kgaphetsweng-thoko go feta tse dingwe?

XiTsonga, TshiVenda, SiSwati le isiNdebele ke dipuo tse di amogelwang e le tse di kgaphetsweng-thoko go feta tse dingwe mme e bile go na le mikarabelo a a tlaleletsang mo ditheong tse di jaaka SABC go samagana le Go- kgaphelwa-thoko go.

Q: Go lebelelwa dintlha dife fa go swediwa ka ga boleele ba nako e puo e nngwe le e nngwe e e newang mo thelebišeneng?

IFa go lekannngwa kabo ya nako mo puong e nngwe le e nngwe, SABC e tshwanetse go leba:

- Palo ya babui ba puo-gae mo kgaolong e e lebaneng kanala • Tikologo e puo e anameng mo go yona • Selekanyo se babui ba puo ba kgonang go tlhloganya dipuo tse dingwe ka sona • Selekanyo se puo e kgaphetsweng-thoko ka sona • Selekanyo se e tlhaloganngwang ke maAforikaborwa a mangwe ka sona • Metswedi e e leng teng.

Tebo-sešwa: Puo

- A tse di fa godimo tse (& dipolelwana tse dingwe) mo dipholesing, di santse di le maleba, mme gona diphetogo di tlhoka go dirwa fa kae?

• Maitlamo a go fedisa ditlhaelo tsa maloba kwa ntle ga go elatlhoko gore kabo ya metswedi e tshwanetse ya akanyetswa. ga a fete foo: a dipholeledi-kgatiso di tshwanetse go akaretsa maitlamo a. mme fa di dira jalo. a a tshwanetse go tsharolwa go bontsha tsela e ditlhaelo tsa maloba di ka fedisiwang ka yona?

• Ke kemo efe e SABC e tshwanetseng go e tsaya ka kgolo ya puo? A go siame go dirisa puo-metlha/ puo e e sa tlhomamang (slang) mo mananeong. kgotsa SABC e tshwanetse go nna modibedi wa bophepa/ tolamo ya puo?

• Fa SABC e ipaya go nna motlho komedi wa puo. e dira jang go lekanyetsa bophepa/tolamo ya puo? Go na le dipuo tsa semmuso di le lesomenngwe (II) mo Aforikaborwa. tse. tsotlhe di nang le dithefosano tse di farologaneng. go dirisiwa tsela efe go bona gore tengwana efe ke yona e e phepa?

Dipholesi tsa gajaana: Diteng tsa Selegae

Q: Ke mo mafelong a le makae mo diteng tsa selegae di batlwang ke?

Dilekanyo ka kakaretso tsa diteng tsa selegae tsa kanale ya thelebišene. Tse di batla gore peresente ya nako ya kgaso magareng ga 05:00 le 23:00 e abelwe diteng tsa selegae. Dilekanyo tsa kakaretso di farologanya thelebisene ya batho le ya kgwebo • Dilekanyo tsa mefuta (Genre). Tsona di batla gore fa kanale ya thelebisene e rwala mofuta o o rileng wa lenaneo (jaaka terama), peresente ya mofuta oo wa lenaneo e tshwanetse ya abelwa diteng tsa selegae. mefuta (genres) e ranolwa mo molawaneng³ wa ICASA mme e apesa mafelo a mararo a a latelang: terama, kago e e sa rulaganngwang ya kitso, thuto ya bana, setshwantsho sa tiragalo ya nnete le merero ya gajaana. Mo lebakeng le lengwe le le lengwe go bewa peresente e e ngotlegileng. Dilekanyo tse gape di farologanya magareng ga thelebišene ya batho le ya kgwebo • Dilekanyo tsa tlhagiso e e ikemetseng. Fano peelo ke go re peresente ya palogotlhe ya diteng tsa selegae e e gasiawang e tshwanetse ya abelwa ditlhagiso tsa thelebišene

tse di ikemetseng. Dilekanyo tse ga di dire pharologanyo epe magareng ga ditirelo tsa batho le tsa kgweba. Dilekanyo tsotlhe di ntshitswe ka melawana e e ka nnang ya lejwa-sešwa ke ICASA dingwaga tse dingwe le tse dingwe tse tharo.

Tebo-sešwa: Diteng tsa Selegae

- A tse di fa godimo tse (& dipolelwana tse dingwe) mo dipholesing, di santse di le maleba, mme gona diphetogo di tlhoka go dirwa fa kae?
- Dipholei di tlama SABC go tlhama diteng tsa Aforika: re samagana jang le seo?
- A SABC e na le maikarebelo mangwe a diteng tsa selegae godimo ga ditirelo tse di nang le lekwalotetla - fa go le jalo, a seo se tshwanetse sa tlhagelela mo Dipholei-Kgatitsong?
- Pejana mo tokomaneng, lebaka la tsamaiso e e maleba ya tatelano ya boleng jwa diteng (content value chain), gore go rebolwe kgaso ya taolo ya batho, e tlhagisitse jaaka ntsha e e batlang go rarabololwa - se e ka nna lefelo le le maleba go dira jalo.

Dipholei tsaGajaana: Kgaso ya tsa Sedumedi

Q: Nako ya kgaso ya mananeo a sedumedi e abiwa jang?

Mo go abeleng ditlhopho tsa sedumedi nako-kgaso, SABC e tlamiwa ke motheo wa tolamo/tekano mme e dirisa motheo o go akanyetsa nako e e abelwang setlhopho se sengwe le se sengwe. Dikabelo tse di direlwa dingwaga dingwe le dingwe tse tharo, morago ga therisano le Setlhopho sa Kgaso sa Sedumedi (RPB), go lebilwe tse di latelang:

- Tshedimosetso ka ga peresente ya batho mo setlhopheng se sengwe le se sengwe sa sedumedi, go ya ka tshedimosetso e e leng teng ya sešweng ya disensase (census).
- Tlhokego ya gore tumelo e nngwe le e nngwe e kgolo e itumelele lenaneo le le kgotsofatsang le le nang le bokao jwa tumelo ya mofuta o o rileng
- Tlhokego ya gore ditumelo tsotlhe di tlhagelele mo mananeong a sedumedi
- Tlhokego ya gore go nne mananeo a a lekaneng a mofuta wa

ditumelo-ntsi • Tlhokego ya go siamisa ditlhaelo tsa maloba mo kgasong ya tsa sedumedi.

Q: Goreng pholesi ya mananeo a tsa sedumedi e naya Tumelo ya SeAforika tlhokomelo e e kgethegileng?

Kgaso ya tsa sedumedi e tshwanetse ya kgaratlhela go nna le bokao le bomaleba, le go bontsha bonnete ba rona ba Aforika. Tlhokomelo e e kgethegileng e newa Tumelo ya seAforika le dingwao tsa setso, e le teko ya go tswelala ka tshiamiso ya go kgathologwa ga ngwao ya seAforika, ke media wa botlhe.

Tebo-sešwa: Kgaso ya tsa Sedumedi

- A tse di fa godimo tse (& dipolelwana tse dingwe) mo dipholesing, di santse di le maleba, mme gona diphetogo di tlhoka go dirwa fa kae?

- Dipholesi tsa sedumedi di baya taolo ya kgatiso ya mananeo a tsa kakanyo ya semoya (meditational programmes) ka kwa ntle ga SABC. Pholesi e letla gape gore go tlangwe Setlhophu sa Kgaso ya tsa Sedumedi (Religious Broadcasting Panel), se se tlaa dirisanang le Boto, sa tlhalosa kabelo ya nako go ditlhophu tsa sedumedi tse di farologaneng le go golagana le badumedi. Bobedi jo bo lebege bo kgaphela-ntle taolo ya kgatiso e e beilweng mo gare ga SABC, mme bo tshwanetse ba tlhokomelwa.

- Ntsha e e botlhokwatlhokwa e e runtseng mabapi le Kgaso ya tsa Sedumedi, e ne e le gore diphopholetso tse di dirwang ka ga mosola wa kgaso, go ya ka dikgatlhegelo tsa sethophu sa badumedi ba ba gogelang-thoko (sectarian), e ne e le maleba.

- A go supa ditumelo tse dikgolo go santse go le maleba & dipharologano tse dikgolo tsa dinako dingwe, mo teng ga ditumelo, di ntse jang, sk. Shiite & Sunni, Orthodox & Pentecostal?

- Tuelelo ya kgaso go tlhagisitswe e na le mathata mo bokaong jwa kgaso ya sedumedi ya tirelo-sekhaba, mme Dipholesi-Kgatiso di a e letla- a se se maleba?

Dipholesi tsa Gajaana: Thuto

Q: Ke dikarolo (areas) dife tse thataro tse di anameng tse SABC e di rebolelang mananeo a thuto go ralala ditirelo tsa yona?

Go tswa mo Molawana-Kgasong, SABC e supile dikarolo tsa mananeo a thuto tse di latelang: • Kgodiso ya Ngwana ya Pele (Early Childhood Development) • Bana kwa Gae • Thuto e e Rulagantsweng • Kgodiso ya Bašwa • Kgodiso ya Metswedi ya Bagolo le ya Setho • Thuto ya Botlhe

Q: Ditlhokego tsa thuto di newa botlhokwa bo bofe?

SABC e netefatsa gore mananeo a yona a thuto a tsa ditlhaelo mo ditiragalong tsa thebolo ya thuto, bogolosegolo, tse di ikaegileng ka lotso, bong le go sa itekanelang, SABC e golaganya kgaso ya yona ya tsa thuto le ditlapele le ditlhokego tsa setšhaba, tse di tshegetsang phitlhelelo ya thuto e e totileng dipoelo (outcomes-based education), go ithuta ga leruri, le kamanyo ya maitemogelo a thuto le a botshelo.

Q: A pholesi ya SABC ya mananeo a thuto e itlama ka thuto e e rulagantsweng kgotsa e e sa rulaganngwang kgotsa tsona ka bobedi?

SABC e itlama go rebola mananeo a thuto a a tlhabologileng a boleng jo bo magoletsa, go ralala ditirelo tsa radio le thelebišene ya rona, a a ikaeletsweng go fitlhelela ditlhokego tse di farologaneng tsa go ithuta go go rulagantsweng le go go sa rulaganngwang ga bareetsi le babogedi ba rona, go akaretsa bana, bašwa le bagolo.

Tebo-sešwa: Go dira mananeo a tsa thuto

- A tse di fa godimo tse (& dipolelwana tse dingwe) mo dipholesing, di santse di le maleba, mme gona dipheto go di tlhoka go dirwa fa kae?

- Thuto ke yona fela karolo ya Dipholese e e dirang ka go atologa le mananeo a bana. Le fa go le jalo, leano la Reithian la go itumedisa le go sedimosa le a dira le mo ba^oweng - ka nnete go tlhokega gore go dirwe peelo mo dipholesing tsa mananeo a bana.

Nka bona kae khophi ya Dipholese-Kgatiso ya gajaana?

Go bona khophi ya Dipholese-Kgatiso ya gajaana, tseetswe etela www.sabc.co.za/editorialpolicy

Nka bona jang tshedimosetso go ya pele ka ga tebo-sešwa ya Dipholese-Kgatiso?

Go bona tshedimosetso go ya pele, romela email go editorial@sabc.co.za kgotsa letsetsa (011) 714 9111 Nka romela kae neelo ya me mo Dipholese-Kgatisong?

Nka romela kae neelo ya me mo Dipholese-Kgatisong?

O ka romela neelo ya gago ka dikanala tse di latelang:

Email: editorial@sabc.co.za

Post: Editorial Policies

Private Bag X1

Auckland Park

2006

